

UGOVORA
USLUGE RAČUNOVODSTVENE REVIZIJE

UGOVORNE STRANE

1. **NARUČITELJ USLUGA:** Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, Hifzi Bjelevca broj 54., 71000 Sarajevo, kojeg zastupa direktor, Elvedin Lagarija i
2. **DAVATELJ USLUGA:** Bizplus Finance društvo za računovodstvo i reviziju doo, ul. Srđana Aleksića broj 14., ulaz B1, 71000 Sarajevo, koje/g zastupa direktor, Elvir Gojak.

Član 1.

Predmet ugovora je izrada predrevizije i revizije finansijskih izvještaja Naručitelja usluga za 2024., 2025. i 2026. godinu, prema odredbama Zakona o računovodstvu i reviziji FBiH ("Službene novine FBiH" br. 15/21.), MSR uz poštivanje načela profesionalne etike i pravila revizorske struke, te drugih pravila i propisa koji regulišu ovu oblast, te davanje revizorskog mišljenja, a sve prema Ponudi Davatelja usluge evidentiranoj pod brojem: 8/24 od 08.10.2024. godine, koja čini sastavi dio ovog ugovora. U postupku revizije izvještaj nezavisnog revizora (sa mišljenjem i zapažanjima) odnosit će se na: izvještaj u ukupnom rezultatu, izvještaj o finansijskom položaju, izvještaj o promjenama na kapitalu, izvještaj o novčanim tokovima, napomene uz finansijski izvještaj i preporuke nezavisnog revizora.

Član 2.

Ukupna cijena za uslugu iz člana 1. ovog ugovora, iznosi 24.000,00 KM (dvadesetčetihiljade KM i 00/100), bez uračunatog PDV-a. Ugovorena cijena iz ponude je nepromjenjiva za vrijeme trajanja ugovora, na način kako je to regulisano u čl. 72. stav (5), Zakona o javnim nabavkama BiH.

Član 3.

Davatelj usluge se obavezuje da uslugu koja je predmet ovog ugovora izvršava prema uvjetima iz tenderske dokumentacije i prihvaćene ponude.

Davatelj usluge se obavezuje da će uslugu predrevizije i uslugu izrade revizije izvršiti za potrebe Naručitelja usluge za 2024., 2025. i 2026. godinu.

Rok za dostavu izvještaja:

- a. za reviziju finansijskih izvještaja za 2024. godiu 31. mart 2025. godine;
- b. za reviziju finansijskih izvještaja za 2025. godiu 31. mart 2026. godine i
- c. za reviziju finansijskih izvještaja za 2026. godiu 31. mart 2027. godine.

Davatelj usluge se obavezuje da će uslugu predrevizije za potrebe Naručiitelja obaviti u trajanju od 660 sati, uslugu izrade revizije će izvršiti u trajanju od 180 sati.

Član 4.

Naručiitelj usluge će izvršiti žiralno plaćanje cijene iz člana 2. ovog ugovora, u roku od 60 (šezdeset) dana od dana ispostavljanja fakture a nakon izvršene usluge, za svaku ugovorenu godinu, pojedinačno, u skladu sa Zakonom o finansijskom poslovanju FBiH („Službene novine FBiH“, broj 48/16). Nema avansnog plaćanja tokom trajanja ugovora. Davatelj usluge je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena ponuđaču na usklađivanje. Uslovi plaćanja i drugi uslovi koje ponuđač jednostrano unese u fakturu, ne obavezuju Naručiitelja usluge ni onda kada je fakturu primio, a nije joj prigovorio.

Član 5.

Davatelj usluge je obavezan da realizuje uslugu revizije u skladu sa uslovima iz tenderske dokumentacije, ponude i svim usaglašenim aneksima između Davatelja usluge i Naručiitelja usluge u procesu izbora najpovoljnijeg ponuđača – Davatelja usluga. Davatelj usluge se obavezuje da će usluge Naručiitelju pružiti u skladu sa pažnjom dobrog privrednika, postupajući po svim domaćim i međunarodnim propisima o reviziji te Kodeksu etike za profesionalne računovođe. Davatelj usluge garantuje da će za realizaciju posla angažovati svoje radnike koji posjeduju odgovarajuće kvalifikacije, odnosno licencu za obavljanje revizije, kao i odgovarajuće iskustvo. Revizijske i predrevizijske radnje obavljat će se u prostorijama Fonda Kantona Sarajevo za izgradnju stanova, ul. Hifzi Bjelevca broj 54, Sarajevo, radnim danom u periodu od 8:00 do 16:00 sati. Davatelj usluge nema pravo zapošljavati u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje 6 mjeseci po zaključenju ugovora, odnosno od početka realizacije ugovora. Prije završetka revizije, Davatelj usluge će Naručiitelju dostaviti nacrt izvještaja kako bi Naručiitelj mogao staviti eventualne primjedbe. Davatelj usluge dužan je razmotriti primjedbe Naručiitelja i u saradnji sa ovlaštenim predstavnicima Naručiitelja da razriješi primjedbe Naručiitelja u ekonomskom procesu rada. Davatelj usluge je dužan revizorski izvještaj dostaviti Naručiitelju istekom zadnjeg ponuđenog radnog dana vršenja revizije putem protokola Fonda Kantona Sarajevo za izgradnju stanova Sarajevo, najkasnije do 15:00 sati. Davatelj usluge i njegovi radnici su obavezni da održavaju profesionalnu diskreciju u toku realizacije ovog ugovora i nakon njegovog važenja. Svi izvještaji, dokumenti i druge informacije o Ugovornom organu - Naručiitelju, korišteni u toku izvršenja ugovora i nakon njegovog završetka, strogo su povjerljivi i Davatelj usluge smije ih koristiti isključivo za realizaciju ugovora.

Član 6.

Naručiitelj usluge je obavezan da Davatelju usluge osigura boravak u službenoj kancelariji Sektora za ekonomske poslove, kao i pristup dokumentaciji i potrebnim informacijama koja je predmet revizije. U ime Naručiitelja sa Davateljem usluge saradivati će pomoćnik direktora za ekonomske poslove .

U slučaju odsustva pomoćnika direktora za ekonomske poslove, sa Davateljem usluga će saradivati zaposlenik Naručiitelja usluge, koga ovlasti direktor Naručiitelja usluge .

Član 7.

U slučaju kašnjenja sa dostavljanjem izvještaja iz člana 2. ovog ugovora u određenim rokovima, pod uslovom da kašnjenje nije rezultat više sile ili pitanje koje se može staviti u krivnju Naručitelja, Naručitelj usluge ima pravo da naplati ugovornu kaznu od Izvršitelja usluga u visini od jedan promil dnevno, za svaki dan kašnjenja, a najviše do 10% vrijednosti ugovora. Ukoliko bi Naručitelj usluge pretrpio veću štetu od iznosa predviđenog stavom 1. ovog člana, ima pravo zahtijevati razliku do potpune naknade štete.

Član 8.

Naručitelj usluge, dužan je u slučaju kašnjenja iz prethodnog člana, prije dostave izvještaja revizije, pismeno informisati Davatelja usluge, da će iskoristiti pravo na ugovornu kaznu, te da će cijenu radova revizije isplatiti umanjenu za iznos ugovorene kazne.

Naručitelj usluge neće naplatiti ugovorenu kaznu ukoliko je do kašnjenja došlo usljed više sile. Viša sila podrazumijeva vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od ugovorne strane koja je pogođena višom silom. Višom silom se mogu smatrati poplave, zemljotresi, požari, rat, neredi, štrajkovi, imperativne odluke vlasti. Ugovorna strana koja je pogođena višom silom je obavezna odmah obavijestiti drugu stranu u pismenoj formi o nastanku više sile te dostaviti odgovarajuće dokaze.

Član 9.

Naručitelj i Davatelj usluge mogu otkazati ovaj ugovor u bilo kojem trenutku, u slučaju :

1. da druga ugovorna strana ne izvrši obaveze regulisane u ovom ugovoru,
2. da druga ugovorna strana padne pod stečaj ili se pokrene postupak likvidacije.

Ugovorne strane mogu u svakom trenutku pristupiti sporazumnom raskidu ugovora. Sporazumom će ugovorne strane istovremeno regulisati sve međusobne odnose i obaveze koji su nastali do trenutka raskida ugovora.

Član 10.

Sve eventualne sporove koji mogu nastati iz ovog ugovora, ugovorne strane će pokušati da riješe sporazumno. Ukoliko ugovorne strane ne postignu sporazum, za rješavanje spora bit će nadležan Općinski sud u Sarajevu.

Član 11.

Ovaj ugovor zaključuje se na period od 3 (tri) godine i važi u periodu realizacije posla u roku određenom u članu 3. Ugovora.

Na osnovu ovog Ugovora, za svaku ugovorenu godinu zaključit će se poseban Ugovor.

Član 12.

Ugovorne strane su pročitale i razumjele odredbe ugovora i saglasne su sa svim njegovim uslovima i također su saglasne da ovaj ugovor predstavlja potpuni i sveobuhvatni sporazum vezano za predmet ugovora.

Član 13.

Na sva pitanja koja nisu regulisana ovim ugovorom, primijenit će se odredbe Zakona o javnim nabavkama, Zakona o obligacionim odnosima, Zakona o računovodstvu i reviziji Federacije BiH, kao i provodbeni propisi .

Član 14.

Ugovor se zaključuje u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Za davatelja usluga:



Elvir Gojak

Broj: 01/039-2024.

Datum: 23.10.2024.

Za naručitelja usluga:



Direktor

Elvedin Lagarija

Broj: 01-02-11-1815-3/24

Datum: 23.10.2024. godine